



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 415

fax. +387 33 726 423

e – mail: info@voda.ba

Broj: **UP-1/21-1-40-500-6/22**

Datum: 30.01.2023. godine

„Agencija za vodno područje rijeke Save“ Sarajevo rješavajući po zahtjevu „Miss.Net“ d.o.o. Bihać, izdavanje prethodne vodne saglasnosti za prelazak trase optičkog kabla preko mosta i kroz vodno dobro rijeke Klokot na lokalitetu u naselju Kamenica, Grad Bihać, na osnovu člana 109. stav (1) tačka 10. Zakona o vodama („Službene novine Federacije BiH“, broj 70/06), člana 16. tačke 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), **donosi**

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru „MISS.NET“ d.o.o. Bihać, za prelazak trase optičkog kabla preko mosta i kroz vodno dobro rijeke Klokot na lokalitetu u naselju Kamenica, Grad Bihać, spajanje na optičku mrežu u Ulici Dr. Irfana Ljubijankića, Grad Bihać.
2. Prethodna vodna saglasnost se daje na osnovu pregleda dokumentacije i pod slijedećim uslovima:
 - 2.1 Izraditi investiciono-tehničku dokumentaciju za prelazak trase optičkog kabla preko mosta i kroz vodno dobro rijeke Klokot na lokalitetu u naselju Kamenica, Grad Bihać, a sve u skladu s propisima za ovu vrstu radova, odnosno za izgradnju optičke mreže kroz vodno dobro i prelaz preko vodotoka koristeći konstrukciju Klokotskog mosta.
 - 2.2 Projektnom dokumentacijom jasno definirati trasu optičke mreže u odnosu na vodotok rijeke Klokot i uskladiti sa Glavnim projektom planirane trase distributivnog cjevovoda projekta navodnjavanja, s obzirom da je trasa optičke mreže preko rijeke Klokot i prelaz preko vodotoka planirana unutar linije vodnog dobra rijeke Klokot.
 - 2.3. Sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprječavanje tih uticaja, linije dopiranja velikih stogodišnjih voda (1/100) ili isprojektovati mjere zaštite od štetnih posljedica od voda u protivnom sve posljedice će snositi podnosilac zahtjeva.
 - 2.4. Projektnom dokumentacijom detaljno definisati i prikazati način postavljanja optičkog kabla na konstrukciju mosta preko rijeke Klokot i zaštita istog.

- 2.5. Način ukrštanja optičkog kabla sa postojećim vodovodnim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
- 2.6. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investitor treba ispuniti u projektnoj dokumentaciji, u skladu sa Zakonom o vodama.
4. Nakon izrade projektne dokumentacije u skladu sa uslovima iz ovog dispozitiva, a prije pribavljanja odobrenja za građenje, Investitor je dužan zatražiti vodnu saglasnost na projektnu dokumentaciju, a sve u skladu sa Zakonom o vodama („Službene novine Federacije BiH“, broj 70/06) i Pravilnikom o sadržaju, obliku, uslovima, načinu izdavanja i čuvanja vodnih akata („Službene novine Federacije BiH», br. 31/15, 55/19, 41/20 i 63/22).
5. Uz zahtjev za izdavanje vodne saglasnosti za izgradnju optičke mreže preko rijeke Klokot i kroz vodno dobro rijeke Klokot do spajanja na optičku mrežu u Ul. Dr. Irfana Ljubijankića, na lokalitetu u naselju Kamenica, Grad Bihać, pored investiciono-tehničke dokumentacije iz tačke 1. dispozitiva, Investitor treba dostaviti kopiju urbanističke saglasnosti, dokaz o uplaćenju upravnoj taksi u iznosu od 60,00 KM i 3,0 KM administrativne takse na zahtjev.
6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O b r a z l o ž e n j e

Pravno lice „MISS.NET“ d.o.o. Bihać, se službenim zahtjevom dana 22.09.2022. obratilo AVP rijeke Save Sarajevo, za izdavanje prethodne vodne saglasnosti za izgradnju optičke mreže kroz vodno dobro rijeke Klokot i preko mosta na rijeci Klokot do spajanja na optičku mrežu u Ul. Dr. Irfana Ljubijankića, na lokalitetu u naselju Kamenica, Grad Bihać,

Uz zahtjev investitor je dostavio slijedeće:

1. Ovjerena kopija Rješenja o izmjenama podataka u sudskom registru, broj: 017-0-Reg-18-000716, izdanog dana 24.10.2018. godine od strane Općinskog suda u Bihaću;
2. Kopija uplatnice upravne pristojbe;
3. Ovjerena kopija Uvjerjenja o registraciji/upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, dana 29.01.2019. godine pod brojem 04/1-17-1-UPJR/1-16072-2/18;
4. Ovjerena kopija Uvjerjenja o poreznoj registraciji, izdanog od strane Federalnog ministarstva finansija – Porezne uprave – Kantonalnog poreznog ureda BIHAĆ, dana 29.10.2018. godine;
5. Izvod iz prostorno planske dokumentacije a u cilju provođenja planiranih aktivnosti i usklađenosti istih sa dokumentima prostornog uređenja, izgradnje podzemne optičke mreže u vodnom dobru rijeke Klokot i preko mosta na rijeci Klokot do spajanja na optičku mrežu u Ul. Dr. Irfana Ljubijankića, na lokalitetu u naselju Kamenica, sa postojećom prostorno-planskom dokumentacijom Grada Bihaća, broj 03/1-19-1-5691/22, od 01.11.2022.godine;
6. Ovjerena kopija Rješenja broj: UP-01-02.3-23-251/22-AM od 14.11.2022. godine, kojim se daje odobrenje investitoru „MISS.NET“ d.o.o. Bihać, za izgradnju cijevne kanalizacije (za potrebe telekomunikacionog kabla) u cestovnom pojasu magistralne ceste M-5, dionica 001, koja vodi preko Klokotskog mosta do mjesta planiranog spajanja na mrežu optičkog kabla;
7. „Studija za izdavanje prethodne vodne saglasnosti za prelazak trase optičkog kabla preko mosta Klokot na rijeci Klokot“ na lokaciji u naselju Kamenica, Bihać; urađena od strane ovlaštenog pravnog lica „TQM“ doo Lukavac, pod brojem 10-107/22, septembra 2022. godine, u Lukavcu;
8. Ovjerena kopija katastarskog plana UR. Broj: 03/3-26-11-49/2022-105 od 04.02.2022. god. i UR Broj: 03/3-26-104/2022-20 od 09.02.2022. god. izdata od strane Službe za urbanističko planiranje, građenje, imovinsko-pravne i geodetske poslove Grada Bihaća,

9. Ovjerena kopija Zemljišnoknjižnog izvadka, broj ZK uložka 212 KO Kralje od 07.03.2022. godine i ZK uložka broj 16 od 07.03.2022. godine, izdati od strane Zemljišnoknjižnog ureda Općinskog Suda u Bihaću,

U skladu sa članom 124. stav 1. Zakona o vodama («Službene novine Federacije BiH», broj 70/06) o zahtjevu je dana 20. 02.2021. godine obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i Ureda u Bihaću, te dana 24.12.2022. godine u dnevnom glasilu «OSLOBOĐENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

Nakon uvida u dostavljenu dokumentaciju konstatovano je da ne postoje smetnje da se Investitoru izda tražena prethodna vodna saglasnost uz propisane uslove koji se trebaju ispoštovati prilikom izrade projektne dokumentacije a koja je podnosiocu zahtjeva potrebna u postupku pribavljanja vodne saglasnosti i odobrenja za građenje definirane tačkom 2. ovog rješenja, a shodno odredbama člana 96. stav (1) tačka 18. i člana 128. Zakona o vodama („Službene novine Federacije BiH“, broj 70/06).

Uzimajući u obzir naprijed navedeno, a shodno odredbama člana 111. Zakona o vodama, te člana 5. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80,00 KM u skladu sa članom 7. stav 1. tarifni broj 43. Zakona o federalnim upravnim taksama («Službene novine F BiH», broj 6/98), te troškove oglašavanja u iznosu 188,37 KM u printanom mediju na nivou BiH.

UPUTA O PRAVNOM LIJEKU

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl.inž.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.inž.građ.

Dostaviti:

- „MISS.NET“ d.o.o. Sarajevska 24, 77 000 Bihać,
- AVP Sava – ISV - Vodna knjiga
- Sektor 40 – Arhiva
- Oglasna ploča AVP - Sava